

Мал' яндер', пролетария', нгобт' нятал'яда':

# Няръянг

# НГЭРМ



Советской Союз'Коммунистической партия окружкаманда няби народной депутат'

1979 по.  
Газетава' 1953 по  
июнь иры'  
1 яляхад  
нгадибернга

Ноябрь иры'

16

яля'

ПЯТНИЦА

Си'ив яляхана  
нгопой нгадибернга  
№ 46 (1980)

Миртя 1 копейка

Ямальской районкы Но-  
вопортовской халя завод'  
ты пэртита понггад Хаята  
Вануйто бригада тер' социа-  
листической пирдырмахана  
нерня нгадимя'. Теда ха-  
барманда тэндо' нгокад  
350 ты.

Пыдо' нгэсыханандо' та'  
мэда хавы тэндо' тэнз тянэ.  
Хуркавна нгод Хаята Ва-  
нуйтам тэвада пуныкурка-  
на тарця ненэцие' нгэсы  
минга. Бригадирото нубедо'  
ти: Елю Худи, Айвадю Яп-  
тик, Пётр Яптик. Тюку по'  
нюртей ям' ханянгэндо' ха-  
нава яханамахадандо' пу-  
номда.

## СЕРТАВЭДА НГОКА



Салхардахы консервной заводахана Е. Самитова мале сидя юкад ватамбой по ямбаха манзара. Тикы не харта манзарабы заводхананда хуркари манзаи тэпэ сертаба нгахана тухусь. Ненохованна пыда сэротанго' тенева. Тангы ядембада ялэ ёльцянггана сэротавы тирибда сяхахарт' ни вovorцету'.

Теда тюку И. Сычёв тадтавы сидянггахана Е. Самитова нгули сата серм пэрига. Пыда округана нгардан' халы завод халям' пэрти' хадавы ехэни' хырыби. Мэтада харда тамна нерм ни хомбю. Тарем манзараванда хавна ситта пир нгабцята янго' пэрига. Сяхаринда харта заводахананда социалистической пирдырмахана нгоб нерняна' минда ненгэ толь' тал тикахад хэвхананда манзарана ннда нгамгэ тоенана серто' я'амбато' Е. Самитован' турцеты. Тиканда пыда ненгэиэ манзая саирт нгани тидхалемба пэрига.

В. АЙВОСЕДА.

Шурышкарской районхы ты. Хусувэй по' планамда Горковской халы завод тер' етре томдаба пэригада. Сатет поп ватормы халындэ' савна манзараванда еэмна планм' Великой Октябрьской социалистической ре- сидянггада окружной Доска Почётахана нга.

## ЯБДАНА НЕНЭЦЬ

волюция 62 поданда хэсь яля перцю томда выдодонзэ.

Тад тикахад Горковской халы завод няданда панггадэда халы' участка тер' тикан' майя манзаяндо' саирм' тамна сахалмаладо' Саханюм' пэртиангэ халям' пэртиго' понггад Михаил Кельчин нгадимя. Пыда Шурышкарской халы участкахана Кельчи-Язым' нубета тангоцянггана ханесе-

Михаил Кельчин Салы явм' теневаванда хавна хулкобнанда мерця ханяд' мимахартм' мэцеты. Мерця саць поснаб понггамда нкня пон' хуламбасетыда. Тикы хавна нямзахэй понгг нгани яха няр' пядамбасетыда. Нгока понггам' мэць маханда тэмбей ни вэндосету, ханяцей тоерцеты.

Г. СЫНСКИЙ.

## ПАРТИЯНА ТАБЕКО НЭДА

Тюку похы партияна курнгаха. Алексей няханда ЦКанда идеологической, партияна идеологической, политико - воспитательной политико - воспитательной манзая савумдамбава ням- манзая савумдамбава ням-



на табекуроми' маня советской яна нгардан' манзарана ненэциена тидпой таргандо' мэядо'.

Теда тюку Л. Леонтьев тадтавы сидянггахана комсомолана' Приуральской районхы райкоманда нябимдей секретарь Алексей Сэротэтто няби «Байдарацкой» совхоз' юкад' вата няхаромдэй комсомольско-молодежной ты нгэсы бригадир Иван Вылко ня тасал-

на нгэда табекуроми' бригадирт' ненэй вадавна вадеяда.

Иван Вылка нянда вадемы вади' нгули сававна хамедэйдась. Пыда бригаданда тер' тыдо' тамна сававна ерамба пайдонзэ. Нгабцата сяхаринда партияна табеконенэцие' сейха сававна хусувэхэна теберцеты. Тад тикахад манзаяндо' саиркана нгоб тене пэрьядо'.

Х. КАРСКИЙ.

## Пякой'

Пуровской районхы «Верхне-Пуровской» совхозхана лакамбой ныланана носи вадабада нита е'эингэ Нина Пяк манзарасеты. Вадабада носида тамна сиддо'



нгалламбада нем' тенева толахадэ' нгэсеты. Нина Пяк носи харад мю тэваб сенгг нохоко' хаводо' пыхыдатэ' сер' нямземлембасетыдо'. Тикы не тарця манзаямда та' минресетыда. Сыра ямбан' Нина Пяк' носи хоб' мюлебалва хардахана тарасеты. Пыда халтамбада нисита хоба государстван' мирдапвандо' мальнггана мирець хэсеты.

Теда тюку Л. Леонтьев тадтавы сидянггахана ти

## Манзаямдо' тамна пэригадо'

Маня округана нгардан' нгэда совхоз' ты' пэртидо' хабарманда тыдо' мал' толэйдо'. Нгопой Приуральской районхы «Байдарацкой» совхоз Пэ Хой ёркахана та ямбан' тыдо' хадоламбавы ты' пэрти' нгэсыри' яханабиль яхандо' тедари тэвувдавэй'. Тад тикахад тыдо' толабавандо' хавна тангы' ханггурмы тыдо' егя' сертавы яраха нгавраханана нгавламбидо'.

Округана нгардан' нгэда совхоз' понггад «Салхардской» нубета совхоз' тер' ты' толабава серто' сяман' нито' нерня нгахана маледонзэ. Теда таяна манзарана ты' пэрти Лабитнанг харад хэвхана Пунг-Юм' нубета яхана тыдо' хабарпа варемдо' мэнга'. Кооперациян' мале нгопой ёнаркад вата самбляннг юр' тым' минга'. Нгокханда тикы тыто' нгамза хасава юр' центнернэгэ еремя'.

Нгани ёнаркад вата сидя ю' тэмдо' ты' пэрти нгамламбидо'.

Тикы совхоз' тер' хавна Ямальской районхы «Ярсалинской» совхоз' ты' пэрти нгоб им' мэць тыдо' хабарпа манзара'. Государства няюв' нгамзангэ миманда тэндо' нгокад си'ив ёнар. Яхабада тыто' пел Юрибей няна хабарпидо' хусувэй тэндо' нгамза 61 килангэ ерибернга.

Тад тикахад хабартава ёльцянггана нум' лакри' ибема. Округана нгардан' совхоз ты' пэрти тамальнггана пэртандо' манзаямдо' лакамбой нгэвадалонзэ. Теда сата тецэди тоб' нгани манзара саць лабценггуд'. Пыдо' нгадбьето' тарем' паромба манзаранггу'. Ханянгы яхананадо' пуна нохо' планм' томдабаванда' Тиканда хусувэй ялям' тыркыба мазаранггу'.

Нганнанда нгока по' тяхана тюку нгэрм' яна нина сюдбьако' севобтав харв', хо' тюуй малдо' нув' няран' табцотанарахаць'. Тарця сисыда пэдара понггана ханеда нгули нгокась. Нгамгэ пирхана Итя Нгабтена явняд нгаркая сэр' я' нимня нензахалмы. Хуркари нув' сармик я' сармик иба я' няюв илевизь' ядамдо' пюрць хэвы'. Маня нгэрм' ява пилибт' нянгота салаба нгылна хаёвы'. Нумда тецэхамы.

## Яхадей я'хорам' ховы'

равыда. Сяхари' лабангана яха сяд нимна ядаб ханянгэхэна надо' ерт поркабтэда пи' вано' манэтан'. Тикы пяр' нгавхы нгэрм' яна нина вадэдав' харв', паё', хады'.

Яна тарця нгэма' тюку мэта похонана нгани пун' нгэсь пэрига. Хэвы та Тазовской районхы Юрибей яха няна ям' манэсарта пидиця' надо' лабармаханана я' хопа хамам'

да ненэць нгока нивнга. Тиканда хибяхартан' нивы ман'. Тад пуна етэ манзарана ненэцие' томахад, Москва ня я'хорам' еся' сехэрэвна ханавэдо'.

Теда таяна сававна тасламахадандо' ховы я' хородо' яхадей нгэвы. Юкадвата сидя пода. Нгамзанда хавна, таркартада нивы няле. Сэреркана юсидаванда ям-

хана хавэнгэ тасладо'.

Маня округанана ховэндо' хавна я' хора хамам' якут' я няна няхар' по' тяхана нгани ховыць'. Тикадо' я' хора сую нгэвысь. Нгобтарем' тарцавэй, нгамзасавэй сэрер' понггана юсидавы.

Теда им' нгэдараб хибяри ненэць нгэдалёванда сер' тарцям' хобта таминанда юн' вадам' нгэдарабта тара. Нгавхы ненэцие' янгова мальнггы я' сармик илемядо' нгобтарем' ямб. Тарем харахана иле мэтава ява сыхахарт нивы тепою.